



158  
4  
80

東華名勝集

三





世荷

甲戌

青柳生



花界

大正  
7. 10. 2  
購求

安藤家藏書

書名

京華名勝集

卷番號

三 号 册


著者

本箱號

廿一 号



曉露清涼  
多奇景  
至多處  
扁舟三月  
不知暑  
在西湖  
表壯  
有於  
神  
孫



庚午  
寫  
耕  
和





四

昔因掠湖水。至極  
湖船掠。湖不見。五  
日畫紅蓮。

古武署之掠湖作

梅巧之田哲云



京華名勝集卷三

平安

新宮貞亮文卿編輯

深草里二首

川部充

深草原頭感不勝。一叢松柏挂枯藤。官家近有修營  
奏。何日成功至此陵。

占陵秋色太蕭騷。落日寒松一鳥號。卻望鳳凰城闕  
下。萬家樓閣繡薨高。

寓草山瑞光寺。冬夜卽事。

釋日謙



林寺寒宵靜。倚爐何所營。讀詩鈔句妙。烹茗試泉清。  
窓月橫梅影。隣僧學梵聲。夏深猶未寐。誰識此時情。  
詩思禪心迥出塵。板輿常奉白頭親。千秋墓上三竿  
竹。猶覺清風清殺人。

謁元政上人墓

宇田淵

又

後藤機

深草草真深。小徑蛇盤折。來吊政公墳。蒼鬢世緣絕。  
欲識主人仍平安。墳上青青竹三竿。

小栗栖

遠山澹

天譴難逃事總違。悄然馬上裹疲歸。驚禽四散踈篁  
外。一綫斜陽透鐵衣。

山科途中

鳴規

彌陀峯下路。智積院南通。秋草遮荒廡。古杉歛暗叢。  
斜登廻竹嶠。小佇避薪翁。碎土多幽致。猶勝踏軟紅。

千本松

在日岡

憶楠正元君

史云元中壬申之歲夏五月。君單身入京。狙  
擊義滿。事不濟。遂從容就刑於此地。今問其  
遺蹤。徒蔓草寒煙耳。路人過之猶低徊躊躇。



况於其遠裔者乎。乃賦此書感。

津田臣

生於元期護。紫宸山河大地悉風塵。回天遺訓豈  
三世。殉國傳乃唯一身。細徑草深埋毅魄。斷巖松老  
闕靈神。當年孤節向誰訴。枉了麒麟閣上人。

御廟野

劉翥

翠華仙去下雙鳧。野史傳奇似禹湖。欲喚村翁煩指  
點。古陵煙雨夕模糊。

將赴大津於山科旗亭邂逅八橋賣茶翁翁烹

茶供吾乃卒賦謝之。

太田元貞

八橋相訪不相遇。邂逅洛東山科春。茶味自兼禪味  
熟。一場清話洗浮塵。

過山科觀大石子宅趾。

小野長愿

豫讓稱國士。不過刺衣衣。海島五百人。唯是擾擾爾。  
偉哉大石子。千秋誰倫比。忠義出心肝。謀畧甚奇詭。  
得士四十六。進退臂使指。一舉殪大讐。迅速疑神鬼。  
當其韜晦時。起臥肉絲裡。馬牛從人呼。談笑忍羞恥。  
益信餘裕存。技倆豈止此。我過山科鄉。尋其故宅趾。



東坡全集 卷三  
歎息重歎息。九原不可起。

大石氏舊栖

釋英

一刹那間不忘讐。佯歌狂舞有來由。百年人逝英魂遠。竹雨松風尼寺秋。

又

帆足萬里

荒松落雪晚風悲。野廟東邊有路岐。林婦也知重感義。導余林下看新碑。

上醜翻

女人堂下借筇杖。拄到上方山徑斜。最愛溪泉冷冽

齒。不泡兒道穀前茶。

下醜翻

歲近小寒寒未嚴。藤森東去比茅簷。村翁爲我指微徑。枯樹梢頭露塔尖。

醜翻

山本秀夫

厭遊塵鬧地。結伴遠來攀。危塔平林外。深堂淡靄間。客穿芳樹去。僧踏落花還。餘興乘微醉。探薇入後山。

豐太閣醜翻看花圖

日柳彰

紫幕圍春。彩霞錦天繡地。大豪華。英雄一舉猶遺



京華名勝集 卷三  
憾不向吳山看此花。

黃蘗山

阪野福

茗菴圍古寺。春風芳滿山。臺殿丹腹駝。白雲自爲關。  
誰問西來意。晝長僧影閒。

送宗愚禪衲之黃蘗

正墻薰

蘗山君去後。蓮社與吾違。春雨朝迎杖。落花晴點衣。  
虛無本詩境。活潑是禪機。菟水深千尺。道源探得歸。

僧鐵眼

岡田挺之

將鏤大藏募諸緣。再值流民厄儉年。穀粟分來施餓

者。僧中有個救時賢。

遊宇治

齋藤正謙

菟道風流海內誇。蘄茅相望陸盧家。自將天下無雙  
水。就試人間第一茶。探處穿雲倚幽石。汲時近岸帶  
殘花。鼎爐別闢閉天地。况對江山清日嘉。

首夏宿菟道水亭有感

鳴規

林齋花落艷雲無。陳迹只看多綠蕪。神女幽魂迷夜  
月。韻僧遺詠屬仙區。長風空度鳳凰閣。怒浪爭來鴈  
鷗湖。懷古終宵眠不得。子規聲裡一燈孤。



菟道

高橋宗彰

躍馬先登跡已陳。長橋百尺架通津。江東新下採茶使。一騎黃塵來辟人。

又

田中幸

喜撰結庵菟水濱。落花滿地綠苔新。今日風光依舊好。茶煙禪榻屬何人。

採茶女

長戸讓

姊妹相携結伴行。雲鬟不理從他橫。南風四月菟道上。吹起村腔啁晰聲。人間茗讌千金賞。豪奢相尙欲

傾城。靈芽真味果何在。一畝難要腸胃清。那知采采勞如此。仍與蠶娥一樣忙。晚歸才憇茅檐下。明日陰晴亦管情。

菟道舟中。次十洲韵。

河世寧

滿江晴日命舟初。柳綠桃紅錦繡如。更有天工新刺出。鷺鷥雪白立窺魚。

舟下菟道川作

宮原龍

溪山奇百出。曉雨亂雲中。縱目逐流下。孤舟不掩篷。題佐佐木高綱單騎渡菟道川圖。



藤井啓

直絕急流去。先登絕古今。所賴是吾馬。與人能一心。

高綱

牧輓

浪花沒馬一鞭鳴。豈取先登誇萬兵。回首東雲臣有恨。恨君不聽絕流聲。

宿萬碧樓

貫名苞

昨日石山鷗鷺塘。今宵菟道水雲鄉。枕頭不斷琤潺響。知是琵琶餘韻長。

平等院

田中幸

江邊何處訪餘風。古墓草荒蕭寺中。唯有一篇遺咏在。至今傳誦泣英雄。

源三位

長谷川城

當年一木力能支。不計雄飛暫守雌。老賊窮奢輕社稷。山僧背約決安危。豈唯射性試精技。也解求官呈婉辭。一死功名成首唱。東關從此簇旌旗。

若宮

○即菟道稚郎皇子祠

青山延壽

太子明獻姿。前聖合符契。妙年師真儒。夙窺天人際。萋爾高句麗。知我疆難當。表辭故嫚言。欲欺我木強。



我邦有神人。豈受汝講張。片言凜生風。貢使驚且惶。  
聖衷常有眷。東闈正儲位。兄賢臣欲避。恐傷慈聖意。  
隱默不敢發。一朝展高義。弟讓兄亦辭。此座誰復蒞。  
操守何爾烈。一劍誓宿志。嘗讀南朝紀。不覺淚沾襟。  
苟能師王意。翠華緣何南。一念私大賢。神州亦陸  
沈。

慧心院

新宮慎

偶尋詩本此登臨。一道清流蘸碧岑。滿目茂林修竹  
好。風光不必讓山陰。

山吹瀨

福田元豐

寂寞空江月印湍。幻華有迹水中看。金泥抹破玻璃  
面。寫出棗棠花幾團。

興聖寺

島田敏

千歲雙林存典型。重陰永護古禪扃。棗棠花謝遊人  
盡。松背斜陽滿地青。

女僧瀨

藤井啓

尋到水聲雷吼處。槎枒怪石束奔流。溪丁徐漉香魚  
坐。不怕銀濤躍過頭。



米淘礪漁家

屋角晝陰多濕雲。水逢盤石又中分。老漁飽飯曲肱  
睡。聞盡奔雷如不聞。

早春赴伏水

與野純

鷓鴣沒處水紋開。蘸碧江雲影忽摧。東風一陣冷於  
鉄。迺自比良峯雪來。

伏見春望

貫名苞

商女爭歌月滿堤。可無遺恨似秦淮。桃花歲歲開還  
落。空趁流波過館娃。

伏水登善光寺閣望梅。遂探古城蹟遇雪。

廣瀨謙

古刹僧亡佛不靈。客携肴腊入禪扃。梅連高塢千層  
白。湖劃平田一綫青。石匣已開無劍氣。城濠未涸有  
龍腥。晚來何限淒涼意。雪打春衫酒又醒。

城墟看梅

藤本真金

滿溪梅樹占東風。暖靄吹香午景融。微醉一場花下  
夢。遙遙魂繞藥珠宮。

梅溪

白木玄之



只見梅花不見村。故墟十里一黃昏。重來欲了桃花約。不是劉郎亦斷魂。

桃山

森田居敬

十里桃花春鬪紅。西風收實當農功。武陵仙境君知否。移在人間活計中。

桃山懷古

松橋純真

皇天故合待斯人。五百年來兵馬塵。賤起家奴終定霸。威加海內尚稱臣。豪華堪展英雄氣。末路難全父子親。欲向青山問遺跡。一聲杜宇哭殘春。

觀菟道臺遺址

相馬弘

右俯巨椽湖。左睨菟道川。群山如翠屏。列植當其前。歲之丁卯冬十月。吾過此地訪遺跡。云是觀菟道臺墟。寒煙淒霧悶榛樾。憶昔豐公崛起立。致富強西討。東伐平定四疆。餘威之所暨。高麗百濟率來王。當時窮力此築臺。夸耀威武示遐荒。金殿玉堂盡華麗。翠蛾紅袖充春房。喜有賞兮怒有罰。海內侯顏為吊慶。一朝身歿國步蹇。何況守成屬豚犬。此鷄晨唱群狐和。薰蕕玉堂敷金殿。君不見富貴從來不足恃。豪華



畢竟無源水。君不見巨棕之湖。莞道之川。有本者亦如此焉。萬古翠光映碧天。

夏夜指月亭

藤井啓

螢火近人時。復颺虛欄坐。占十分涼。夜風暗自水心到。魚氣濃於荷氣香。

棕柳觀荷

貫名苞

棹破香雲色。色新光容浴露。立清晨。拘將一朵羞相對。定似鴟夷載返人。

又

江馬聖欽

霸業忽諸二百年。巨棕湖水澹愁煙。金湯之險若依舊。敢許遊人來看蓮。

又

源德基

淡霧遮花曉色深。朝暉猶未到湖心。知他波底夢方暖。朶朶香雲護宿禽。

春日遊井堤

岩垣松苗

橘相遺蹤玉水濱。花思金印棣棠春。聞蛙何作官私問。鼓吹亦應錫大臣。

玉水路上

菅晉帥



東華集卷之三  
南都山翠北都連。淀水斜通笠置川。壞道久無臺輅  
過。當歸芍藥滿春田。

下泉河

後崎弱

泉河曉下白雲間。嶺送峯迎不暫閑。欲喚楫師論舊  
跡。輕舟已過甕原山。

笠置

維昔 帝蒙塵。至今人濕巾。北條皆亂賊。楠氏獨忠  
臣。御坐不遑暖。怪巖何足珍。猶憐民俗厚。順逆絕  
婚姻。山背有飛鳥路村導賊燒山笠  
置人惡之今猶不與婚媾云

上笠城山

鷹羽龍年

士氣凶凶人勝天。山石巖巖徒險阻。御冠上天牀  
下地。白板柴垣行在所。遺恨蒼厓千尺上。一矚皆裂  
毛髮豎。腥雲穢樹惡民村。一綫間道賊來處。

楠公朝笠置行宮圖

小野長愿

忠純不愧武侯倫。一拜 龍顏卽致身。乾坤闔闢關  
出處。可待草廬三顧人。

詠史

藤田彪

我慕楠夫子。雄畧古今無。誓建回天業。感激忘其軀。



廟堂遂無筭。乾坤忠義孤。空留一片氣。凜凜不可誣。

登鷲峯

○山在菟道東南。有僧房曰金胎寺。

山田信

神嶽城南秀。攀緣極苦辛。獐風疑起虎。毒霧欲吞人。世遠山僧貴。林深野僕淳。地爐燒榾柮。二月未知春。

木津川舟中所見

栢植熙

宿霧全消浪起鱗。商舩此處繫成隣。滿沙曝布雪無際。隔樹層樓是木津。

舟下木津川

梁川孟緯

百里川程一葉舟。荒烟寒林水悠悠。篷窓依約笠山

影。送到漢城青未休。

淀河

筱崎弼

源路難窮六七州。洋洋斜貫五畿流。煙波夜早攝河野。楊柳春牽淀泆舟。雨渚荻蘆鴻鴈宿。晴灣菁藻鯉魚遊。將歸海處城如畫。十萬人家霞外浮。

澱川歸舟即目

佐藤坦

一川清徹底。濶然如平地。舟擇深處行。銜尾成之字。淀水舟中

菅晉帥

一舩又一舩。挽上柳煙間。篷窓生微白。依約丈夫山。



下淀河口占

釋隆岳

京洛紅塵車馬多。歸舟今日興云何。快哉揩拭雙青眼。臥見垂楊下淀河。

湖淀河

兒玉彰

客魂渺渺泝長流。吹老西風折葦秋。回首故園天一角。孤篷載月入城州。

淀城

劉蕤

艫舳相連發攝津。淀江城外落帆頻。衆禽爭篠忽初夏。孤艇載花何處春。死接崖開垂好柳。車輪水去入

重闔。堪思金屋阿嬌夢。暮月如眉來媚人。

洲嘴園 淀侯別業

琴希聲

一亭一榭連園裏。垂柳垂楊繞水濱。坐地沙場宜置酒。憑臨洲嘴便垂綸。綠波春漲龍蛇走。白日境閑鷗鷺隣。借問何聲長且緩。筒車隨轉軋停輪。

戀塚 塚在城南島羽村 葬烈婦袈裟處

宇田淵

狂風吹折滿枝花。塵土埋香事可嗟。若使佳人惜微命。千秋誰問一袈裟。

又

劉昇



提去非仇首。紅粧猶宛如。赤繩灰期裏。白刃佛心初。  
芳草埋幽奠。寒花入亂鋤。詩人來下馬。悵望夕陽虛。

謁石清水神廟志私感。賴復

老木生雲氣。風霜侵古祠。碧蕙連澗谷。朱壁畫蛟螭。  
七道謳歌日。三韓朝貢時。恩波流不息。長憶太平基。

神后祠。大槻清崇

錦蓋迎拜丈夫裝。一片降旗我武揚。不恠三韓容易  
服。胎中負韜有 天皇。

高良祠。廣瀨謙

身係安危三百春。巍然功烈棟梁臣。渭濱莘野猶難  
比。何況羸劉以後人。

橋本驛題酒家壁。森業

酒家柳色雨如煙。來往長江已十年。一事無成頭欲  
白。男兒山下又維艫。

女郎花塚。鈴木璫

雙生雙女竟如何。寂寞荒墳水一涯。猶有情芽消不  
盡。秋風吹發女郎花。

經山崎。賴惟柔



明智可笑大不明。狂悖徒成大惡名。本能寺裡一炬火。似為他人死奇榮。縞素一戰成新霸。知是豐公大

橫庚。李商隱詩如無一戰。霸安得大橫庚。

天王山懷古

松橋純真

想見旌旗簇翠微。龍拏虎擲夢空非。春耕鑿野骷髏碎。戰血蒸山草木肥。千載君臣伸大義。一峯勝敗決神機。豐家霸業今安在。伏水茫茫唯落暉。

寶積寺

秋風落木晝蕭騷。礮水泠泠餘響豪。突兀獨留當日

塔。排空十丈漫誇高。

望寶寺有懷松橋江城

河野巖

觀音樓閣掛斜暉。野逸詩魂何處歸。唯有青山舊棲鶴。寒江照影一聲飛。

宿山崎觀音寺

新宮碩

梵宮憑嶮峭。暮景少行人。竹裏寒留雪。梅邊氣近春。風高疑箭響。雲紫訝兵塵。勝敗都無跡。虛空月一輪。

妙喜庵。○在山崎千利休故跡也。

巖垣龜

豐公一世雄。亦為小兒戲。拓土千里外。屈身二筵地。



茗宴逐時好。何曾憂時事。艷妻比嬖臣。讒舌如刀利。  
群雄皆解體。竊抱覬覦志。使公真好茶。可破昏昏睡。  
茶博利休翁。未必知斯意。

利休居士

帆足萬里

滌器儀成是。褻臣可憐誅。菹觸龍鱗。勸君欲保清高  
節。試見三條破釜人。

利休像

大沼厚

烏帽籠頭貌灑然。茶神以後有茶禪。一甌能取千金  
價。應笑陸家三十錢。

春日遊長岡

松橋純真

小畜先時繫杖錢。風光已及賣錫天。戲隨蝴蝶穿幽  
徑。或與林泉結好緣。春到梅花賢相廟。人耕芳艸故  
都煙。低徊茲地追千古。滿眼青山一慨然。

赴楊谷途中

江馬聖欽

幽夢驚回暮寺鐘。與窓面面足涼風。不知一路沿溪  
轉。身在泉聲竹影中。

西岡春眺

宇田淵

菜圃花黃麥隴青。天鷄上下不停聲。六十餘村春一



色。人隨牛後入京城。

善峯寺

劉翥

雨色分秋明。雲姿閒夕霽。揭我薜荔裳。晚過荒林際。  
惡竹避橫鞭。幽花拾墜蒂。孤影悄相顧。山空鶴唳厲。  
金藏與三鈿。左右衣之袂。三鈿與吉峯。上下髮與髻。  
上乃似破村。下乃似王第。身正在荒涼。眼既注佳麗。  
畫欄紫朱長。石磴疊碧細。沙砌認鳥降。松軒有僧憇。  
鐘鳴雲日暝。欲去情相繫。曉天晴明時。定知宜遠勢。

三鈿寺

蕭寂還蕭寂。庭花弄午容。空山三鈿寺。春晝一聲鐘。

金藏寺

阪轉山容開。秋樹藹然黃。昏鐘流雲嶺。天籟落虛堂。  
靈地禁然採。松槐森成行。幽花不知處。衆艸帶異芳。  
茅庵長嘯子。石經 聖武皇。古跡探幽奧。新聞極精  
詳。異哉觀音佛。化爲採桑娘。短衣不掩脛。拂拭見齊  
王。夢踏芙蓉巔。占得熊羆祥。桂子月中落。鄭蘭遼國  
香。代邸發車駕。獲國開封疆。乃以椒房貴。來爲檀林  
光。堂塔起雲處。園邑跨林岡。全山方十里。至今鬱蒼



蒼。吾來拜莊嚴。夕嵐結卉裳。香暈依約際。猶認金玉相。白雲三世夢。青山一僧廊。不聞環佩響。風泉鳴石床。

聞僧竺卿破禪歸台隱于勝因寺賦此以寄二

首。寺在西山之半腹多花樹一日花之寺有業平及西行之歌詠又木下長嘯子遁世于此

自稱西

山隱者

琴希聲

聞說花之寺。花下極清幽。君今得其所。可比古名流。寄懷擬長嘯。託跡學西行。磨練君詩句。何唯二子名。

晚出城西過佛寺。醉後題壁。田孝憲

偶尋舊徑到僧房。滿地荒涼已有霜。風磬一聲敲斷後。夕陽秋色兩茫茫。

花寺僧西行終焉之地云。劉翥

一身似浮雲。東西行處天。不須揚州鶴。不假萬貫錢。春風二月花紅紫。人生只合京華歿。

西行 中島如玉

中原兵禍日相望。明哲保身謀亦長。五斗何堪稱北面。三衣好愛號西行。虎頭空老封侯相。象外長歸禮佛場。卅一吟成偏有感。愁看松月照池塘。



西方寺觀楓

野口景張

同人各自設行厨。探到西方山一隅。萬樹霜楓花不  
及。落紅粧蘚鋪氍毹。

西芳寺

清敬直

西方淨土繖山陬。西芳舊名西方 門外溪成巴字流。

苻老荷枯一池水。楓紅苔綠滿庭秋。禽知念佛能長

舌。相傳松尾山有鳥其聲 呼佛法僧寺與松尾接石慣談禪也。點頭始信薰修

滅煩惱。當年嘗解小松憂。雍州府志平重盛兵諫之 後自逃于茲懺悔其過

松尾祠

聞道巨靈嘗孽山。救民昏墊破愁顏。何方拜賜神通  
力。濬滄疏川除水患。

春日涉桂川口占

新宮碩

桂川經雨水吞梁。雲霽前山碧放光。衣袂飄飄路十  
里。細風日暖菜花香。

桂川所見

賴襄

雨添寒漲岸痕遙。紅林青林路一條。村叟入城歸到  
晚。驅牛過水自過橋。

梅津煙雨

梁川孟緯



田塍蓑笠間。已及插秧天。細雨來無際。濛濛半是烟。

梅宮

清敬直

笑我風情老未衰。聘紅迎翠謁禰祠。筭來猶自求神

助願得翩翩幼婦詞。源考亭曰。禰宮禰祠也。

過西院里

北條讓

曳筇西院里。數里傍晴沙。新雨開蒲眼。嫩風磨棘牙。

鶯情還問谷。蝶意正傷花。熟路如生路。綠藏多少家。

京華名勝集卷三終

158  
4  
80



